



Vilhelmus magnæ fortitudinis & integritatis Brunsvicensis dux fuit, anno Christi millesimo quadringentesimo quadragesimo. hic in Austriam ad Fridericum ducem & postea Cæsarem asinum suum protectus, suam ditionem & familiam fratri Heinrico commendavit. Eo tempore Philippus Burgundus cum Carolo Gallo bellum gerebat, atque à Friderico Austriaco auxilium petebat. Itaque Fridericus suum asinum Vuilhelmum copijs præfecit, atque cum exercitu in Galliam ablegavit. In eo loco res multas fortiter peregit, ac victor in Austriam redijt. Interea Heinricus eius frater arcem Vuolffenbeutel dolo occupavit, atque uxorem & liberos Vuilhelmi expulit. Id cum Vuilhelmus intellexisset, contra fratrem exercitum duxit, atque magno animo sua recuperare statuit. Verùm finitimorum principum interuentu res tum fuit composita. Postea quoque Brunsvicensem civitatem puniuit, atque tandem cum septies in prælijs victor extitisset ubique pacem constituit. Fuit is victoriosus princeps, qui suam ditionem plurimum extulit, ac quatuor comitatus Eberstein, Vunsdorff, Haller münd, & Vuelpe ducatus adiecit. Cum hoc modo longo tempore præfuisset, tandem anno ætatis 90, & salutis nostræ 1482 obiit, & filios Fridericum & Vuilhelmum successores reliquit. Albertus Crantz.